



Una aliança vergonhosa per l'occitanisme !

En 2016, eriam mai d'un centenau d'associacions e personalitats de Provença per denonciar, a través de la publicacion d'una letra dubèrta, la causida dau nom « Occitanie » per anomenar la nòva region Lengadòc-Rosselhon-Miegjorn-Pirenèus. Aquela crida declarava notadament qu'es « de crénher desenant que lei personas obrant per la promocion de l'occitan ò d'Occitània en fòra de la Region Occitanie administrativa patigan de l'inevitable confusion qu'aqueu farà espelir dins l'avenir » ambe de « consequéncias professionalas e umanas dramaticas ».

En delà dau fach que despuei son apelacion novèla, au còtra de çò qu'èra estat pantaiat, la Region Occitanie beneficièt de ges d'avançada significativa en matèria de drechs linguistics, s'avisam amb esfralh que non solament aquesta confusion es reala e vertadièra, mai qu'es desenant assumida en plen per d'unes occitanistas lengadocians. Ambe la creacion d'una « Fédération des Pays unis », de representants reconoissuts de l'occitan en Lengadòc assajan d'efèct d'actar encuei la secession dau País d'Òc.

Mentre que respelisse la dinamica occitana en Provença en seguida dei resultats encoratjants ais eleccions regionalas de 2021 per la lista «Òc per Provença », es de mau creire que lo collectiu lengadocian *Bastir Occitanie*, notadament compausat de *País Nòstre*, ague deliberadament causit de s'associar ambe *Prouvenço Nacioun*, un partit dich provençalista, reaccionari e anti-occitan, que representa ren ni degun e que de lònga destructa leis accions que pòrtan leis associacions occitanas de Provença. Demandam d'esclargiments a n'aqueu collectiu per çò que nos sembla èstre una bèla galejada : l'union politica de dos moviments, l'un occitanista, l'autre anti-occitanista.

Demorarem pas inactius fàcia a n'aqueu novèl assai d'avaliment dau trabalh jornadier dei nombroseis associacions e militants que, de Provença a Lemosin, de Gasconha a Auvèrnha, luchan amb encanhament còtra la desaparicion de nòstra cultura. Acceptarem pas nimai aquela escòrna a la memòria de nombrós militants e personalitats que donèron la man per bastir lo moviment occitan despuei Provença e que veson aquí una partida de seis ancians camaradas leis escotelar de darrier.

L'OPM es estat creat en 2000 dins l'amira de promoure un imatge modèrne e unitari de la cultura occitana, permetent en de centenaus, de milierats de personas d'escambiar a l'entorn d'aquel ample arc culturau bolhissent. S'avisam ambe regret e colèra que lo sagatatge d'aquesta vòlha prosperant sus l'ignorància e la negacion de nòstra istòria comuna nos arriba desenant dei doi ribas de Ròse, sacrificant sus l'autar dau confusionisme ambient e de l'oportunisme electorau un territòri que, coma va disiá Mistral, s'espandisse deis Aups ai Pirenèus.

Cridam vuei leis apareires de la lenga de Lengadòc e d'autrei parts de non pas istar muts e de reagir vigorosament davans aquesta union destimborlada. Totei devèm èstre responsables e conscients dei consequéncias que de taleis accions podrián faire grellhar dins un avenir pròchi. L'enjuec es d'importància : aparam pas nòstre interès personau mai l'idèa d'un espaci occitan unit e plurau, dubèrt sus lo monde, fòra lei mesquineis guerrejadas de territòri que non servon que d'anequelir un pauc mai la situacion que nòstra cultura se li tròba.

Es aquesta vision que mena despuei lo començament toteis aquelei que s'engatjèron per lo respèct de la diversitat culturala e qu'adusiguèt aquelei pichòtas mai pasmens indispensableis avançadas per la reconoissença de nòstra lenga. Siam marselhés, doncas provençaus, doncas occitans, e avèm ben per amira de va demorar emai se si sentèm encuei botats defòra per aquela mena d'iniciativas pietadosas.

Une alliance honteuse pour l'occitanisme !

En 2016, nous étions plus d'une centaine d'associations et personnalités de Provence à dénoncer, à travers la publication d'une lettre ouverte, le choix du nom « Occitanie » pour nommer la nouvelle région Languedoc-Roussillon-Midi-Pyrénées. Cet appel déclarait notamment qu'« il est à craindre désormais que les personnes œuvrant pour la promotion de l'Occitan ou de l'Occitanie en dehors de la Région Occitanie administrative souffrent de l'inévitable confusion que cela engendrera à l'avenir » avec des « conséquences professionnelles et humaines dramatiques ».

Au-delà du fait que depuis sa nouvelle appellation, contrairement à ce qui avait été fantasmé, la « Région Occitanie » n'a bénéficié d'aucune avancée significative en matière de droits linguistiques, nous constatons avec effroi que non seulement cette confusion est réelle et avérée, mais qu'elle est dorénavant pleinement assumée par certains occitanistes languedociens. Par la création d'une « fédération des pays unis », des représentants reconnus de l'occitan en Languedoc tentent en effet d'acter aujourd'hui la sécession du Pays d'Oc.

Alors que la dynamique occitane en Provence connaît un véritable renouveau après des résultats encourageants aux dernières élections régionales de la liste « Oui la Provence », nous avons du mal à croire que le collectif languedocien *Bastir Occitanie*, composé notamment de *País Nòstre*, ait délibérément choisi de s'associer à *Prouvenço Nacioun*, un parti dit provençaliste, réactionnaire et anti-occitan qui ne représente à peu près rien ni personne et qui passe le plus clair de son temps à dénigrer toute action menée par les associations occitanes de Provence. Nous attendons donc un éclaircissement rapide de la part de ce collectif face à cette pantalonnade qui voit s'unir politiquement deux mouvements, l'un occitaniste, l'autre anti-occitaniste.

Nous ne resterons pas inactifs face à cette nouvelle tentative d'anéantissement du travail quotidien des nombreuses associations et militants qui, de la Provence au Limousin, de la Gascogne à l'Auvergne, luttent avec acharnement contre la disparition de notre culture. Nous n'accepterons pas non plus cette insulte à la mémoire de nombreux militants et personnalités qui ont participé à la construction du mouvement occitan depuis la Provence et qui voient là une partie de leurs camarades leur planter un couteau dans le dos.

L'Ostau dau País Marselhés a été créé en 2000 dans le but de promouvoir une image moderne et unitaire de la culture occitane, permettant à des centaines, des milliers de personnes, d'échanger autour de ce vaste arc culturel bouillonnant. Nous constatons avec regret et colère que le sabotage de cette dynamique prospérant sur l'ignorance et la négation de notre histoire commune provient désormais des deux rives du Rhône, sacrifiant sur l'autel du confusionnisme ambiant et de l'opportunisme électoral un territoire qui, comme le disait Frédéric Mistral, s'étend deis Aups ai Pirenèus.

Nous appelons aujourd'hui les défenseurs de la langue de Languedoc et d'ailleurs à ne pas rester silencieux et à réagir vivement face à cette union sans queue ni tête. Nous devons tous être responsables et conscients des conséquences que de telles actions pourraient engendrer dans un futur proche. L'enjeu est de taille : nous ne prêchons pas pour notre paroisse mais pour la conception d'un espace occitan uni et pluriel, ouvert sur le monde, hors des mesquines petites guerres de territoire qui ne servent qu'à affaiblir un peu plus la situation dans laquelle se trouve notre culture.

C'est cette vision qui guide depuis le début toutes celles et ceux qui se sont engagés pour le respect de la diversité culturelle et qui a amené ces petites mais indispensables avancées pour la reconnaissance de notre langue. Nous sommes marseillais, donc provençaux, donc occitans, et entendons bien le rester même si nous nous sentons aujourd'hui poussés dehors par ce genre d'initiatives lamentables.